





EX LIBRIS  
ILLVSTRISSIMI VIRI,  
DN. DAN. LVDOLPHI,  
LIB. BAR. de DANCKELMANN,  
S. REG. MAI. BORVSS. CONSILIARII  
STATVS INTIMI, cetera,  
BIBLIOTHECÆ ACAD. FRIDERICIANÆ  
TESTAMENTO RELICTIS.



89.

102

NUPTIIS

Ornatissimi & humanis-

simi juvenis,

VALERII RVDINGE-  
RI, ECKHARTSBER-  
GENSIS,

Illustrissimo Principi & Domino,

*Dn. RVDOLPHO*

*Principi Anhaltino, &c.*

*à Secretis.*

Et pudicissimæ atq; lectissimæ  
Virginis,

DOROTHEÆ MARIÆ,

Laurentij von Ende, p. m. civis quondam  
Servestani primarij F.

Celebratis Servestæ A. D. III. Martij,  
Anno 1606.

Carmina faustæ & felicitatis appreciationis ergo nuncu-  
pata ab ijs, quorum suum cuiusq; versibus  
nomen est ascriptum.

Servestæ, Excudebat Iohannes Schleer, Anno M. DC. VI.









# EYΦHMIA

IN NVPTIAS

*Ornatissimi juvenis,*

## VALERII RVDINGERI,

RVDOLPHO, HEROI ILLVSTRISSIMO,  
à Secretis Anhaltinis, &c.

*V*dit in humanis diuina **POTENTIA**  
rebus: (Dei.

*Omne regit punctum provida cura*  
*Seu spectes ortum, Vita quo vescier aura*

*Cæperis, occubitum seu meditère tuum:*

*Quisquis es, ingenuè profiteberis, omnia nutu*

*Complecti, regnat qui super astra, DEVM.*

*Vix tamen impressit vestigia conditor orbis,*

*Quàm castis thalami legibus, ulla magis.*

*Ex lateris costa, quam carne replevit, Adamo*

*En nostri matrem condidit ille gregis.*

*Miris nempe modis etiàmnum vincla jugalis,*

*Custos ille hominum, necit, iniquis tori.*

A 2

Quam



Quam nunquam in vasto conspexerat orbe, mari-  
Adducente Deo Sponsus adeptus habet. (tam  
Sunt mens una, caro una, cor unum, in dispare se-  
Quos thalamo jūgit, fœmina masq̄, Deus. (xii,  
Egrediuntur equo Trojano ad praelia nati:  
Militat adversus Tartara ceca TORVS!  
Grata Deo thalami sunt pignora, germina cœli,  
Organa virtutis, dona pudicitie.  
O res mirandas, nullo quas SPONSe VALERI  
Pondere verborum fas celebrare satis.  
Quod facis ergo, piis votis pia jungere vota  
Perge, nec obsistent fata tibi ulla: VALE.

M. V Volfg. Amlingus.

I I.



Discipulus nomen perfecti saepe meretur,  
Hoc etiam servus condecoratus abit,  
Servus quando Ducis, cum discipulusq̄; Magistri  
Signa pedum in iustis amulus ipse legit.  
Exemplo tibi, Sponse, fuit Dux inclytus, acta  
Cujus perscribis, scriptaque jussa files;  
Conjugii subjens alacer mitissima vincula,  
Vincula vel summo digna serenda Iovi  
In terris; Domini rectâ vestigia pone  
Sponse legis, Sponsam colligis atq̄; tuam.  
Faxit, naturâ, jure & perfectus IESVS  
Qui cum Patre suo, Flamine cumque sacro,

Sancta



Sancta Fides, Amor & fidus, Spesq; ardua vestro  
Zona sit ut casto non temeranda toro.  
Perfectus Christo est, nec Zonam perdidit, intus  
Cui cordi insedit Spes, Amor atque Fides.

M. Caspar Vlricus,  
Φιλοφρόνως.

III

PSALMVS CXXIIX.

*Beati omnes, qui timent Dominum, &c.*

Commendans omnibus hominibus, & imprimis con-  
jugibus, timorem Dei, & manuum laborem, utrumq; ad  
vitæ beatitudinem summopere necessarium.



*Ter beatum, quem timor intimo 1.*

*Tangit Iehova pectore, nec sacra  
A lege diuorsum in salebras  
Deuius insinuauit error!*

*O te beatum, quisquis es aut eris! 2.*

*Nam sorte quamvis paupere sis, tui,  
Illo fauente, te laboris*

*Fenus alet: facilem ille abundè  
Victum refundens, ut bene sit tibi,*

*Cornuq; pleno copia suppetat;*

*Rumoreq; ut uortant secundo,*

A 3

*Cuncta*




- Cuncta operum tibi prosperabit.
3. Ceu vitis arctans palmite conjugem  
 Ulmos maritat; ceu viridi domum  
 Incingit amplexu stolonum:  
 Sicutuate sobolis feraci  
 Stipabit uxor germine liberum,  
 Mensam ambientum; termite uti suam,  
 Non mentiente spem coloni,  
 Arborem oliua onerans renodat.
4. Hac sunt, Iehouam qui timet, hac viro  
 Promissa vita commoda; qua manent,  
 Eventibus rerum invidendis,  
 Corde Deum ingenuo colentem.
5. Arcis, Iehoua, è sede Sionia  
 Lauto bonorum te cumulo obruet;  
 Urbemq;, qua sedem locasti,  
 Commoditate beabit omni.
6. Florente pacis quò Solyma ubere,  
 Atq; Israelis incolumi statu,  
 Natosq;, natorumq;, tecum  
 Progeniem aspicias beatam.

Εὐφροσύνη hac amicorum nuptijs pridem desti-  
 nata, honestis. & lectissimis Dn. Valerio  
 Rudingero & Dorotheæ Mariæ ab Enden,  
 νεογόνους, vota F. Gregor. Bersmannus.

Conjugium




 Onjugium humana quadã est Academia  
 Ille tuus vates, incluta lena, canit. (vita:  
 IN qua nemo satis se vel didicisse putabit,  
 Conjugibus siquidem crux solet esse comes.  
 DOROTHEAM quare tibi cum dent fata, VALERI,  
 Hanc MARIAM: memorem nominis esse decet.  
 Conjugium fuit, & manet, estq; Academia vita,  
 In qua quod discat mens pia semper habet.  
 Dante Deo crucis inq; scholã qui militat, ille  
 Si rudis est, certo tempore doctus erit.  
 Ut licet interdum vicibus fortuna vacillet  
 Dona probanda tamen sunt & amara DEI.  
 Namq; suis tandem, terris quod miscet acerbi  
 Latitiã reparat sine carente polo.  
 Moverit ergo tibi si sors forte aspera casus,  
 Vince prece, & cedas, qui dedit omne, DEO.  
 Vince prece, & contra hos audentior ito, VALERI,  
 Inde viri fortis nomen & omen habes.  
 Et finem expectato bonum Superũmq; levamen,  
 Hac etenim eterno grata palestra DEO est.

Paulus Bergmanus.

VI. Qui





Vi mare trajiciunt furijs borealibus acti,  
 Qua rapit ambiguae vi via fortis, eunt.  
 I licet immites feriant latus omne procellae,  
 Et naucae streperis obriguere minis.  
 Defiunt animi spebus, misereque fatiscunt,  
 Ipsaque nex lato distat adhuc digito.  
 Ut sit nulla tamen reliquae fiducia vitae,  
 Mitiùs aethera spirat ab axe DEVS.  
 Iam jubar ignicomum, tristeis; Hyperionis, auras,  
 Discutit, & toto dividit orbe diem.  
 Nec procul objectus demulcet portus ocellos,  
 Et spem vividulam de moriente facit.  
 Dura vel arridens fortuna novissima semper,  
 Nam fugit & nullo est constituenda pede.  
 Sed nos ex alio subnixa numine, scimus,  
 Iudicium superum vindice cuncta geri.  
 Et fore post miseros iterum solatia casus,  
 Atque ea debilibus, fida columna fides.  
 Haecenus: Ac nunc te tetigere Cupidinis arcus,  
 Et jecur illecebris perterebravit Amor.  
 Non puer ille salax, non Cypridos editus alvo,  
 Sed fata divina, flamma modesta, face.  
 Et quibus illecebris radiis virtutis avitae,  
 Nec non virgineae flore pudicitiae.  
 Inde meru cultuque DEI, studiique parentum,  
 Et teneris morum cum gravitate genis.  
 Quin operis etiam quas nequit acuque Minervae  
 DOROTHEA, & doctis sedula staminibus,  
 Cetera testatur non invidiosa canendo  
 Fama, eaque ingenuis nomina nota facit.

His;



His, sed ab aduerso stetit & tua signa vicissim,  
Lustravit claris lux tua luminibus.  
Principis emânans in alacrem gratia servum,  
Prima voluptati delicioque fuit.  
Munia quæ graviora geris, quæ ritè ministras,  
Et labor iniuncto deditus officio.  
Indè decus latè fulgens & gloria parta  
Quæ propè virtutes ceu comes ire solet,  
Dieta Deo pietas, mens non nisi recta, merum, Cor,  
Os, teres, & nullo vulnere læsa fides,  
Musica difficiles obtundere idonea cûras;  
Quam fidibus pariter percolis & labiis:  
His ic̄ta est stimulis teq; & tua vota secuta,  
Legitimis hodiè subjuga foedoribus.  
Disce quid obtineas: donum Theodora Deorum est,  
Sed Maria ex aliquâ nomen amaritie,  
Quod-fit-cunq; , tuum est animo perferre virili,  
Et de propitio non dubitare DEO.  
Aufferet è medio noxas , meliora rependet,  
Quas, decet, usq; boni consuluisse , vices.  
Interea similes numerabis utriq; parentum,  
Dorotheos foetus atq; Valeriolos.

*Ioannes Försterus Med.  
Reip. Cothënarum.*

---

V I.

**S**I mihi, si, VALERI, non fraudi audita referre,  
Dicere gestirem thalamo non absona vestro;  
Cùm patrius Princeps, Ianus cū fratre Georgus  
Rudolpho venatum, ut mos heroibus, iret:  
Teq; tuo officio fungentem rite videret:

B

Fronte



Fronte serenata aspiceretq; , & quæreret ultrò:  
Quando erit, uxorem ut ducas? age fare Valeri!  
Visus es ipse sub hæc demisso lumine fari:  
Inclyte Teutoniæ princeps! quo sospite, nunquam  
Res ego Anhaltinas lapsas fractasque fatebor!  
Seria si ioco, heroque licet componere servum.  
Tunc Monagi choreas ducunt cum præfilit Abbas,  
Et Domini exemplum decet observare ministros.

Sicne igitur Monagi saltant, cum præfilit Abbas?  
Dic age, dic fodes, facunde, jocunde VALERI!

Sicne, inquam, in vulgus manant exempla regentum?  
Vt, quoniam Ascanius divino numine Princeps  
V Velforum illustri duxit de stirpe maritam;

Tu quoq; quem scribendo dextera, Musa canendo,  
Quem spectata fides, quem tuta silentia rebus  
Præstita secretis commendant Principis aula,  
Protinus associes consortem foedere vitæ,  
Omnes quæ tecum fati felicibus annos  
Exigat, & pulcrâ faciat te prole parentem.

Te natale solum non fovit; patria civem  
Non curat; quanquam, ô, quæ curat patria civem?  
Te pater & mater liquere tibi; imò parentum  
Nomen inane foret; nisi anus, vidua, unica MATER  
Non sperata sui veniens ad gaudia nati.  
Seq; suumq; genus tantâ procerumq; ducumq;  
Cinctutum videat circumfulumq; coronâ.  
Interea omnipotens te hominū PATER atq; Deorū  
Afferit ipse, suæ fidei curæq; relictum,  
Patronos urbem, patriamq; novam, atq; parentes  
Vxoremq; tibi cum re, fundum atque penates  
Accumulans: dum te clementi lumine Princeps  
Respicit Ascanius, dñoq; favore tuetur.

Quid levius PENNA: calami quid vilius alga?

Multos



Multos penna tamen secum tellure levatos  
Sublimavit agens, vexitq; per ora virorum,  
Dotibus eloqui claras, fandiq; potentes;  
Hæc sunt hæc divi Majæ talaria nati,  
Quæis Deus, & numen sanâ ratione modoq;  
Quilibet esse potest, hominum servator & ultor;  
Seu linguâ valeat, seu rem decernere scriptis,  
Sic petitur coelum; non, ut super additus Ossæ  
Sidera Peliacus pulset trepidantia vertex.  
Pennaq; ovat, metuens solvi: post fata superstes  
Penna volare facit, terras, mare, & æthera tranans.  
Pennigeris etiam gaudet Deus ipse ministris;  
Præcipuè Sponsum docti manus æmula **SCRIBÆ**  
Davidico Sponsæ commendat carmine Christum.  
Hoc opus est tantum, **MEDIUM** tenuisse reductum  
Vtrinq; errorum; ut ne humili nimis aut nimis alto  
Ire gradu optemus. Multi restare videntur **p7**  
Propter humum, tuti nimium timidiq; procellæ;  
Quo malè Grammaticum passim audit nomine vulgus,  
Ausum vix humili plumas extendere nido,  
Vix præter calami crenam, Alpha & Beta professum,  
Icarios ausi quidam tentare volatûs,  
Ulteriusq; globum Lunæ, Titaniaq; astra,  
Remigio alarum confisi, & præpete nisu,  
Altiùs, heu, carpere viam, arcanisq; Deorum  
Admissi, indociles digito compescere labrum,  
Tantalios sitiere lacus, miseriq; dederunt  
Audacis facti pœnas, pennasq; relapsi  
Ah! nimium serò deploravere solutas,  
Quàm vellent trivisse rutrum, durosq; bidentes,  
Tribulaq; stivasque, & iniquo pondere rastros!  
Fata obstant, nec habet Fortuna noverca regressum,  
Felix! qui limum pariter vitavit, & inum,

B 2

Inter



Inter utrumq; means, extremaq; damna refugit.  
Qualis tu medio volitans tutissimus ire  
Haecenus es solitus, cursum moderantibus astris,  
Maeste animo, quem rarus habes! & quod facis ultrò,  
Fortunam reverenter habe! cole sacra, fidemque,  
Ac Domini exemplum, longo licet intervallo,  
Sequare, & porrò, quâ fas, imitare decenter,  
Tâm certiq; Ducis vestigia pronus adora,  
Sic Thalamus Calamusq; tibi, sic FINIS ut orsa  
Se fortunatim, feliciter, & bene vortant.

*Albertus Voitus Corrector  
Schola Servestana f.*

V I I.



Micat è cunctis 'PRÓPORTIO grata' creatis:  
Certa lege, tribusq; modis, hoc quicquid in or-  
be est

Quæ constare sibi docet & durare magistra,  
Non nisi cum interitu rerum laedi potis, & quæ  
Læsa facit sursum ferri omnia, cuncta deorsum.

Sed nec ARITHMETICÆ debentur prima, nec illi  
Quam describendi terram doctrina sequuta est.

MVSICA sola nimis non est disiuncta, nec æquat  
Omnia, sed reliquas quasi temperat, inde BODINO  
Paret, quæ socia est, humanæ regula vitæ.

TV quoq; qui sociam vitam, Philomuse VALERI,  
Valde probas, Nympham propriam TIBI iungere voto  
Quippe paras stabili sociam, non impete vano  
Igms, at harmonicis ducis rationibus aptam.

Nulla TIBI in parili, in cantu TIBI nulla voluptas  
VNISONO,



VNISONO, ceu Bartholomæi ad festa Lyriftæ  
Hic strepitant, nomen queis turba GREGARIA plebis  
Cum mercede dat, exactis SERVESTA quiescit.

QVINTA quidem licita est nosti, sed SÆPIVS vti  
Musica lex vetat, auditus quoq; respuit acer.

TERTIA quæ superest, hanc hanc tenuere beati,  
Illa sui similes voces præcedit, abusus

Nescia, siue BASI sit proxima, siue remotè  
Octavam DECIMA & Quintam transcendat in altum.

Hanc tu præ reliquis, si quod FINALE meretur  
Omnia tunc bona sunt, formandum est, sæpius audis.

Hac ratione habita TECVM TV, corporis alti  
Electum corpus voluisti, TERTIA quod sit

PORTIO iusta TVI, fallor, quod parte tenellum

Excelsus superes tanta. Hoc cantare frequenter

Et pulsare fides hoc FINE, ut gratior esset

Quæ Venus atq; TVIS membris accommoda, scires?

Sic excusaris. Sed Te inferiora secutum

Prodis, & haud dubiè adjicientur plura recenti

CLAVI siue TONO, donec perfecta resultet

Musica, grata DEO, mortali accepta, parentem

Quæ TE laudet & auctorem, quæ coelite dignum

Reddat, & HARMONIÆ superæ annumerarier omnes.

Sic TV, sic TVA, sic si qui nascentur ab illa

FINE bono, sed quisq; suo, omen inesto, fruantur.

*Julius Etzlerus.*

---

VIII.

**A**ud Ego quorundam rectâ sine mente ruentûm  
Læva probem, non sæva probem de Illustribus Aulis  
Iudicia ex proprio tractantûm quæq; cerebro.

B 3

Quos



Quos tamen ignaros videas hominumq; locorumque  
Ignaros morum, quos Aulica vita requirit.  
Queis vitæ quodcunq; genus concedere, quantum  
Quas videas coelo stellas fulgere sereno,  
Splendori Solis cunctas concedere, certum est.  
Hos, inquam, Aularum mores virtutibus amplos  
Omnibus, hincq; viris Magnisque Bonisq; probatos  
Injusti Rerum censores turpiter audent  
Taxare, & falcem in peregrinam mittere messem.  
Atque hinc, verè olim quæ de Gentilibus istis,  
Qualis nempe Neronis, vel Caracallæ erat, aulis  
(Aulis non-aulis sine vero Numine caulis,  
Vivere ubi bibere est, ubi Bacchus idem quod Apollo,  
Doctus ubi coctus, jus est jus, atq; bilanx lanx)  
Lucanus cecinit, conficto reddere sensu  
Non dubitant, illa huc torquentes: Exeat aula,  
Qui vult esse pius. Verùm minùs ista Poetæ  
Propositum spectare scopum, quis, quæso, negarit,  
Sicq; mari terram, coelo miscere profundum?  
Namq; ibi quot lateant mala, quantis fraudibus Aula  
Gentiles scateant pateantq;, intacta relinquens  
Prætereo, quid enim nec quicquam ingrata revolvam?  
Quin sequar interea Regesq; Ducesq;, Iehovæ  
Cura quibus Verbum est, quos sacri Numine Flatus  
Non cæco tantùm Rationis lumine ductos  
Ordine quæq; suo mandare, vetare videmus.  
    Ingrediare igitur, quæso, ingrediare beatas,  
Quisquis es, horum aulas, nec quicquam offenderis unquã,  
Dicere quod possis haud omni ex parte beatum.  
Arce sedet Pietas, Virtutes ponè sequuntur  
Quæ sunt cunq; omnes, quas supremum obtinet inter  
Iusticia alma locum, sine qua nec Principis Aula  
Nec populi aut urbes in honore & florè vigerent,

Hæc



Hæc igitur Virtus, Virtus hæc maxima (Mundus  
Qua sine non-mundus, Caula Aula vocanda) supremum  
Atq; locum proprium in generosis obtinet Aulis.  
Primus adest Princeps reliquis dux omnibus unus,  
Ad cuius nutum Illustris componitur Aula;  
Consilio sequitur quem docta corona virorum  
Ordine Magnorum, Sapiens Sanctusq; Senatus:  
Qui, quod cuiq; suum est, tribuunt, adimuntq; vicissim  
Quod non est, æqua lance omnia distinguentes.

Iusticiam sua quæq; locoque & tempore virtus  
Subsequitur, quarum si illustres saltem ego strictim  
Enumerare velim, haud mihi verba tot, haud mihi charta  
Sufficeret, quarum tot sunt, quot Pontus arenas  
Volvit, quot picto cernuntur sidera coelo.

Tollito nunc Aulas illustres tollito, Solem  
Mundo sustuleris, quo cuncta movente moventur!

Sed quò progredior? Quod res est, dicere pergo,  
Illæ magnificis dignæ sunt laudibus Aulæ,  
Aulici vbi exemplum Regisq; Ducisq; sequuntur.  
Quod tu, (quâ Dominis fas composuisse ministros)  
Ritè facis, VALERI, Illustris secreta recondens  
Principis Anhalti, Magnorum & gesta virorum.

Namq; RODOLPHVS vbi Princeps Duxq; Ascanis oræ  
Illustri de stirpe satam natamq; Deorum

DOROTHEAM. HEDVVIGEN Forma & virtutibus am-  
Insignem, patriæque eductam moribus Aulæ (plis  
Connubio sibi coniunxit propriamq; dicavit:

Idem DOROTHEAM. MARIAM tibi, more puellam  
Haud equidem, sed amore tuam, mox more futuram  
Conjugio, Illustris Servestæ in Principis Aula  
Magnorum in Procerum conspectu, jungis honesto.

Quid laudes huc ergò tuas, quid dona Mariæ  
Virtutesque iuuet multis subiungere Sponsæ.

Quas



Quas non urbs Sorabum modò, verùm Aula ipsa probavit.  
Unicum adhuc, Magnus quod fecit Horatius, addo;  
Principibus placuisse viris non ultima laus est,

*Petrus à Ithena Serve-  
stannus.*

I X.

**V**IR SALVE nove, tempus adest, quo numine di-  
A rcta tori dextro federa Sponsus inis, (vum  
L æta igitur ferat hoc ut præsens gaudia tempus,  
E st te fas humili corde rogare Deum.

R eadè igitur votis animo, linguisq; faventes  
I ungunt vota tuis cum precibusq; preces.

V erùm sum quoniam vero tibi iunctus amore,  
S ic ego vota tibi nec mea abesse sinam.

R em facis acceptam, thalami quod fedus inire  
V is sacrum sacri, qui regit astra, Deo.

D ulce tori fedus sanxit, quare ille probabit,  
I mperium mundi qui sine fine tenet.

E st hinc cum precibus tentanda cuilibet hæc res;  
G ratus namq; DEO sunt odor usque preces.

E t nisi res hæc sit precibus suscepta pudicis,  
R itè potest nemo faustus & esse pius.

V ellet cum Patriarcha suum dimittere servum  
S anctus Abram patriæ regna in avita suæ.

C onjugem uti gnato ex consanguinitate pararet,  
V ota precesque suo nuncupat ille Deo.

M issus (ait servo) tibi cœli è culmine celsi  
S idereo adsistat duxq; comesq; viæ.

P rimitus & compos voti hæc, posset habere  
O ptatam ex patriis ædibus, opto, viram.

Non



**N**on mora, fidus heri, ceu sint sua, iussa capeffens  
**S**ervus lata suo pectore vota facit,  
**A**mbulat, & quærens iussis imponere finem  
**D**eproperanter heri tecta adit alta sui,  
**O**mnia fausta Pater, mater, fraterq; precantur  
**R**ebecca, ad sponsum quando abit ipsa suum,  
**O**mina non ventis data sunt nec vana fuere  
**T**alia, at eventus vota habuere bonos:  
**H**ic certè est doctus propriis eventibus Isac  
**E**xcelso curæ facta fuisse Deo.  
**A**st saluus remeans Dominiq; allapsus ad ædes  
**M**atronam servus sistit herilis hero:  
**A**ureus ut gnati sit amor faustusque, minister  
**R**ursus sollicitat corde precante Deum.  
**I**am quid prætereà memorem? sic ipse Tobias  
**A**d thalami tædas omnia fausta tulit,  
**A**smoden sanctâ prece, cum suffimine pellens  
**F**ecit, ut angelica tutus abiret ope.  
**I**am, pie sponse, etiam (nam fas ego duco) **VALERI**  
**N**unc tædas læto gratulor ore tuas.  
**E**t precor ut vestro, cui sunt connubia curæ,  
**C**oniugio Christus dexter adesse velit.  
**V**tq; fuit præsens tædis, quas Cana palustris  
**M**iraclo visa est concelebrare novo;  
**Æ**moniumq; bibit, Christi, nova munera, Bacchū,  
**O**mne quem laticis suppeditavit aqua:  
**S**ic etiam sponfis his dexter adesto novellis,  
**V**tq; precor semper sit sine felle domus,  
**I**nnumeros numerent isti, fac, suaviter annos,  
**V**tq; ferat castus pignora multa torus.  
**A**litibus, socii qui damnat jura cubilis,  
**T**urpes carnivoris præbeat ille dapes.

**C**

Deniq;






D enique quas iam nunc ego vero pectore fundo,  
(I pse etenim potis es) perfice Christe preces.  
E rgò dilecta cum Sponsa Sponse valeto,  
S ymbolum & integri hoc carmen amoris habe.

*Christianus Faber Cothenus.*

*Ἐτεόσιχον* ejusdem auctoris.

VaLerio nVpslt Dorothea à Flnc VenVsta,  
Vt Vasto TaVrVs MartII ab aXe nlter.

X.

 Onnubialis amor typus est arctissimi amoris,  
Quo CHRISTVS ipse diligit Sponsam suam;  
Nomine quæ sancto ter sancta ECCLESIA sanctis  
Vocatur & sanctos requirit incolas.  
Namq; suæ sponsæ ceu sponsus flagrat amore;  
Sponsiq; sponsa amore flagrat unicè:  
Sic ardetq; suæ sponsæ, ardebitq; perenni  
Amore CHRISTVS, Filius Dei vnicus.  
Ceu verbis inter sese sua fœdera casti  
Arrhisq; firmant mutuis bene coniuges,  
Quæ divulsus amor citius non solvere possit,  
Mors hæc priusquam solvat, hæcq; dissipet:  
Sic verbo ipse suo, gemino sic fœdere CHRISTVS  
Eidem suæ sponsæ suam dat coelitus;  
Copulathancq; sibi, firmo hanc sibi iungit amore,  
A vite vt instar palmitis dependeat.  
Omnia coniugibus ceu sunt communia, quicquid  
Habent boni, cari atq; rari possident.  
Sic quoq; sic CHRISTVS, quicquid carivè bonivè  
Habet, fovet, dicatq; id omne Ecclesiæ.

Ceu



Ceu natas natosq; , feracia pig nora lecti  
Feracis , ipsi coniuges dant plurimos;  
Sic Evangelii CHRISTVS sibi voce perenne  
Collegit agmen, colligitq; & colliget.  
Provida ceu Nuptam defendit cura mariti  
Nec dira duræ fortis hos vis segregat:  
Sic regit atq; tegit, saxo sic turbine rerum  
Servat suos CHRISTVS nec illos deserit.  
Ceu nihil est odio maius zeloq; mariti  
Sacrata frangi iura cum cernit tori:  
Sic quoq; perfectis odiis Deus arbiter odit  
Qui Numina colunt pïsta, ficta nomina,  
Omnia quæ poterunt proponere rectius illis,  
Quæis dulce Matris, quæis Patris nomen placet.  
Ergò facis rectè, præstans virtute VALERI!  
Quod te cupis connubio iam subditum,  
Associasq; tibi Sponsam, uper omnia sponsam  
Carissimam, bellissimam, lectissimam.  
Cuius inauratos optet sibi Cynthia crines,  
Decusq; frontis appetat vel Cypria,  
Cuius sideris contendunt lumina stellis,  
Cuius labella dulciora Nectare,  
Cuius Sithoniam superant albedine dentes  
Pruinam, & ora pulchriora sunt rosis.  
Quam Genus atq; Venus decorant, quam gratia linguæ,  
Quam mentis ornant, quamque dotes corporis,  
Quam probitatis amor, studium quam jactat honesti,  
Quam prædicat vitæ atq; morum suavitas.  
Denique iam paucis complectar ut omnia verbis,  
Quibus superbit Sponsa, VALERI! tua.  
Virtutis speculam, speculum est Pietatis, & vnum  
Te elegit, vnum te maritum diligit.

C 2

Quare



Quare age, DOROTHEÆ. MARIÆ brachia collo  
 Circunda, & huic soli fave, solam fove,  
 Rebus in adversis huic sis quoq; dulce levamen  
 Solamen & vitæ suæ sis vnicum.  
 Hæc q; tibi semper sit pergratissima coniux  
 Iuxta q; summum cara sit tibi Deum.  
 Tu q; tuum Sponsum complectere Sponsa vicissim  
 Amore mutuo, & favore mutuo.  
 Rebus in adversis illi sis dulce levamen  
 Solamen & vitæ suæ sis vnicum.  
 Vos vestrumq; torum Concordia muniat, & vos.  
 Vestrasq; mentes uniat Fides sacra,  
 Vivite felices; cedent felicia cuncta.  
 Vobis; replete prole felici torum.  
 Sic bonitas Domini vos circumfundet, vt vnâ  
 Mente celebretis Numen & Nomen Dei.

*Christophorus Lelmius B.*

XI.



E voco Coniugii sanctissime præses & auctor,  
 Cætera Numina, nomina vana, & inania abite:  
 Non etenim vestro fixum stat Marte vel arte  
 Coniugium, æterno verum instituyente Iehovâ,  
 Qui cum totius quæ machina continet orbis,  
 Humida, siccæ, calentia, frigida, mollia, dura,  
 Terrasq; tractusq; maris, cœlumq; profundum,  
 Hinc genus aligerum, pecudesq;, feraq; creasset,  
 Et tandem ex limo terræ formallet Adamum:  
 Mente volutabat præsens sapiente, quod vnus  
 Solus inutiliter concessæ tempora vitæ  
 Duceret, adq; operas impar foret omnes.

Ergò

*Et amico*



Ergò ait, huic vitæ sociam, comitemq; laborum  
Iungam corporibus qui sint duo, mentibus vnum:  
Dixerat. hinc placidè somnos immittit Adamo,  
Illius & dulci requiescere membra sopore  
Efficit, ille iacet somnoq; accommodat artus,  
Dumq; recumbit humi, secum altâ mente revolvit  
Illa nova, & miranda sui monumenta parentis,  
Scilicet, vt potuit tam magnum excudere mundum  
Vi dicente modò, & firmam cum pondere terram;  
Vt simul astrifero radiantia lumina Olympo  
Indiderit, mundoq; suas diffundere flammæ  
Iusserit, atq; suo terras ambire meatur:  
In primis illa in reliquis coniunctio bella  
Foemellæ, atq; Maris, quam lege atq; ordine certo  
Sancierat Deus, ante oculos versatur Adamo,  
Vnde statum exoptat similem, sociamq; puellam.  
O utinam tali posses quoq; vivere lege,  
Et sociam coniux cum coniuge ducere vitam.  
Nam quid solus ages? quid tanto solus in orbe  
Efficies, nisi res operam quæ præstet ad omnes.  
Sit foemellâ tibi, cuiusq; in amore iugali  
Vivas, & proprios videas aliquando nepotes?  
Adfuit his votis præsens, & præbuit aures  
Cunctarum omnipotens rerû Dominator & Auctor.  
Namq; hic dum dormit, solam de corpore costam  
Eximit, atq; nova replet loca carne Ichovah;  
Vnde statim apparet pulcris spectanda capillis,  
Insignis facie, atq; omni sine labe puella,  
Quam simul ac somno evigilans speculatur Adamus  
Talibus exorsus, lætanti pectore fatur:  
O de carne mea caro, & ossa affinia nostris  
Ossibus, æque illis verè ædificata virago!  
Salve opus ex nostro formatum corpore & osse,

C 3

Salve



Salve nostrorum comes & sociâ vna laborum.  
Sic ait: & voto fruitur, potiturq; puellâ.  
Coniugium hoc primum est, genus vndè exordia nostrum  
Traxit, quodq; sua firmavit lege Iehovah.  
Scilicet vt focii casta essent fœdera lecti,  
Nec velut in brutis regnaret tetra libido.  
Quis furor est igitur Iehovæ opponere legem?  
Cædite Papicolæ. Monachorum rancida turba  
Cæde procul: nihil hîc tua lex de cœlibe vitâ  
Iuris habet, præstant superi mandata Tonantis;  
Quæ quia nunc sequeris, præstans virtute VALERI,  
PRINCIPIS exemplo pietate Illustris & arte  
RODOLPHI nulli veterum virtute secundi,  
Dum sequitur magni vestigia rara parentis,  
Nec non magnanimos, BELLONÆ fulmina fratres,  
HEROAS virtute graves, gravidosq; triumphis,  
Quorum, dum pietas, dum Musa, Themisq; vigebit,  
Semper honos, nomenq; pium, laudesq; manebunt,  
Et PATRES Patriæ meritò colet Ascanis ora.  
Quis satis hoc cœptum celebret? quis laudibus æquis  
Accumulet? sint ora licet resonantia centum,  
Nox siquidem potiùs, quàm vox desistere cœptis,  
Cessare ac tanto mandaret cardine laudum.  
Nam si legitimi rimeris commoda lecti,  
Tantus sese offert campus, tamq; vber acervus,  
Vt nequeas tenui complecti singula versu,  
Tolle torum; & quis erit candor, quæ gratia, amorq;  
Quæ pietas, quæ cura precum, quæ deniq; virtus?  
Tolle torum; & simul est sublata Ecclesia Christi.  
Nam torus humanæ divina Academia vitæ est,  
Vnde suas traxitq;, trahitq; Ecclesia plantas.  
Tolle torum; & quid erit mundus nisi tristis eremus?  
Nî statuas tetra fœdæq; libidinis ignes,

Quis




Quæis gravius nullum scelus execratur Iovah,  
 Hæc VALERI tecum repurans, & mente revolvens  
 Non dubitas, quin jura tori potiora iugalis  
 Coelibe sint vita, quâ rasæ turba catervæ,  
 Gaudet, quin potius tibi principis esse sequendum  
 Exemplum censes, cui nunc tota Ascenis ora,  
 Cui patres, juvenes, cui curia, templa, scholæq;  
 Applaudunt, faustumq; torum, imperiumq; preceantur.  
 Quæritur ergo tibi præstante pudore puella,  
 Quam pietas decoret, quam forma, genusq; celebrent.  
 Laudibus his reliquas audis superare puellas  
 DOROTHEAM-MARIAM, LAVRENTI-A-FINE paren-  
 Sanguine progeneratam, cuius probitasq; fidesq; (tis  
 Nota patet, Musisq; negat ditescere nostris.  
 Hanc petis, haud frustra q; petis, petis alite dextro,  
 Quamq; petis te præda manet, captamq; fatetur,  
 Seq; tibi æterno captivam foedere iungit,  
 Gaudens quod talem sit nacta puella maritum:  
 Tu gaudes talem te nactum Sponse puellam.  
 Quam Genus & Venus & Pietas super omnia ditat.  
 Vtilis est pietas, & habet promissa salutis  
 Huius & æternæ: ceu sacra Dei tuba cantat:  
 Hæc igitur vestræ sit norma & regula vitæ,  
 Sic bona coniugii qui vestri est fautor & autor  
 Cuncta dabit vobis, vitæ quæ postulat usus:  
 Sic aberunt lites, aberit contentio, luctus,  
 Sic aderit blando semper concordia vultu,  
 Sic vitam pylios placidè ducetis in annos.  
 Hæc precor æternus precibus det plura precantis,  
 Multiplicetq; suo mea vota favore Iehovah.

*Iohannes Sturmius*  
*Cothenus.*

XII. Vnde




 Rgò ne desim votivo carmine Sponso,  
 Qui mihi sincera est iunctus amicitia.  
 Conditor omnipotens, te, qui connubia  
 Sanxisti, toto pectore & ore precor: (primus  
 Sponsis hisce novis semper digneris adesse,  
 Ducere ut innocuà tempora pace queant:  
 Sacra columbarum mentes concordia nectat,  
 Absint à dulci iurgia iniqua toro;  
 Vobis una fides sit, sit mens una duobus,  
 Vna salus, unum pectus, & unus amor,  
 Vestra dolor nullus perturbet gaudia vestra  
 Sit, precor, innumerà prole beata domus.

Iohannes Maior VViteberg.  
 N. P.

FINIS.





№ 1996.

8

U

ULB Halle 3  
 002 063 808



Sh

nicht aufg., da unvollst. u.  
nicht zu ermitteln!

28 a / 50 / 1996 /

U 8 17

M

DX








Inches 1 2 3 4 5 6 7 8  
Centimetres 1 2 3 4 5 6 7 8

B.I.G.

Farbkarte #13



...umanif...  
...DINGE...  
...SBER...  
...Domino,  
...PHO  
...no, &c.  
...lectissimæ  
...MARIÆ,  
...civis quondam  
...arii F.  
...III. Martij,  
...cationis ergo nuncu-  
...cuiusq; versibus  
...ptum.  
...er, Anno M. DC. VI.

89.

102

